

TAWARAN B

Sarjana Perubatan Sesi Akademik 2022/2023

**Permohonan Kemudahan Cuti Belajar Bergaji Penuh
Dengan Hadiah Latihan Persekutuan bagi Pegawai
Perubatan Lantikan Tetap / Program Latihan Kepakaran
Dengan Penajaan bagi Pegawai Perubatan Lantikan
Kontrak**

Permohonan Tawaran B ini terbuka kepada semua Pegawai Perubatan Lantikan Tetap dan Lantikan Kontrak di Kementerian Kesihatan Malaysia yang memenuhi syarat-syarat permohonan.

SARJANA PERUBATAN SESI AKADEMIK 2022/2023

TAWARAN KEMUDAHAN CUTI BELAJAR BERGAJI PENUH DENGAN HADIAH LATIHAN PERSEKUTUAN BAGI PEGAWAI PERUBATAN LANTIKAN TETAP / PROGRAM LATIHAN KEPAKARAN DENGAN PENAJAAN BAGI PEGAWAI PERUBATAN LANTIKAN KONTRAK

SYARAT-SYARAT PERMOHONAN

1. Pegawai hendaklah memenuhi syarat-syarat am seperti berikut:
 - 1.1 Pegawai Perubatan Kementerian Kesihatan Malaysia (KKM) yang sedang berkhidmat dalam perkhidmatan tetap dan telah disahkan dalam perkhidmatan pada tarikh tutup permohonan; atau
 - 1.2 Pegawai Perubatan KKM Lantikan Kontrak sebelum 1 Januari 2018 yang dilantik tetap sehingga 31 Disember 2020 tetapi belum disahkan dalam perkhidmatan pada tarikh tutup permohonan; atau
 - 1.3 Pegawai Perubatan KKM yang sedang berkhidmat dalam perkhidmatan kontrak di bawah SPKSU Bil 4/2016 dan masih dalam perkhidmatan pada tarikh tutup permohonan;
 - 1.4 Telah berdaftar **penuh** dengan Majlis Perubatan Malaysia (MPM);
 - 1.5 Pegawai perlu mendapat keputusan *Medical Specialist Pre-Entrance Exam (MedEx)/ Entrance Exam* yang memuaskan tertakluk kepada bidang yang dimohon atau pegawai telah mendaftar untuk menduduki *MedEx* pada April 2022 (hanya pegawai yang mencapai keputusan yang ditetapkan mengikut bidang akan dipanggil untuk saringan temu duga);
 - 1.6 Mempunyai pengalaman klinikal sekurang-kurangnya **satu (1) tahun** selepas pendaftaran penuh;
 - 1.7 Telah berkhidmat dengan KKM sekurang-kurangnya **tiga (3) tahun** (termasuk latihan siswazah) dan dilantik pada/ sebelum **1 Januari 2018**;
 - 1.8 Berumur tidak melebihi **43 tahun** pada **tarikh tutup permohonan**;
 - 1.9 **Lulus** Bahasa Melayu termasuk Ujian Lisan di peringkat Sijil Pelajaran Malaysia (SPM);
 - 1.10 Pegawai perlu mempunyai prestasi cemerlang dengan markah purata Laporan Nilain Prestasi Tahunan (LNPT) **tidak kurang daripada**

85% bagi mana-mana tiga (3) tahun yang tertinggi daripada lima (5) tahun terakhir perkhidmatan pegawai (penilaian genap 12 bulan bagi setiap tahun);

- 1.11 Pengecualian penilaian genap 12 bulan bagi tahun penilaian hanya diberikan kepada Pegawai wanita yang pernah mengambil Cuti Tanpa Gaji (CTG) atau Cuti Separuh Gaji (CSG) untuk menjaga anak tidak melebihi 90 hari dalam tahun penilaian sebagaimana ketetapan Pekeliling Perkhidmatan Bil. 5 Tahun 2014;
- 1.12 Tidak pernah menerima sebarang tajaan Kerajaan Malaysia bagi peringkat kursus yang sama;
- 1.13 **Tidak pernah gagal** atau **menarik diri** daripada sebarang kursus tajaan Kerajaan Malaysia;
- 1.14 **Tidak pernah menolak tawaran** program Sarjana yang ditawarkan oleh Kerajaan Malaysia dalam tempoh **dua (2) tahun** yang lepas;
- 1.15 Bebas/ bersih daripada sebarang pertuduhan, prosiding dan tindakan tatatertib, siasatan dan/ atau dalam proses dakwaan Mahkamah;
- 1.16 Bebas daripada penyakit yang boleh menjejaskan keupayaan untuk menjalani program latihan (*unsuitable to pursue training*) dari segi fizikal dan mental seperti di Lampiran A (calon perlu mendapat laporan perubatan dari pakar merawat untuk mengesahkan keupayaan menjalani program latihan);
- 1.17 Telah mengisytiharkan harta;
- 1.18 Pegawai bukan merupakan Peminjam Tegar atau peminjam yang disenaraihitamkan oleh Jabatan Perkhidmatan Awam (JPA) atau badan-badan pinjaman Kerajaan yang lain;
- 1.19 Semua permohonan yang dikemukakan hendaklah mematuhi prinsip-prinsip asas yang dinyatakan dalam Garis Panduan Kemudahan Cuti Belajar Kepada Pegawai Awam Yang Mengikuti Kursus Jangka Sederhana Dan Kursus Jangka Panjang secara sepenuhnya;

Syarat Khas Sarjana Perubatan MPH/ DrPH Kesihatan Awam/ Masyarakat

- i. Pegawai telah **berdaftar** dalam Program Latihan Pra Kepakaran Perubatan Kesihatan Awam **sebelum tarikh Siaran Iklan Tawaran ini disiarkan**;
- ii. Pegawai perlu **melengkapkan Buku Log Latihan Pra Kepakaran Perubatan Kesihatan Awam** (boleh didapati dalam laman web rasmi KKM);

- iii. Pegawai **perlu dicadangkan oleh Mentor yang dilantik** (iaitu seorang Pakar Perubatan Kesihatan Awam) dan cadangan dikemukakan dalam Buku Log Latihan Pra Kepakaran Perubatan Kesihatan Awam KKM; dan
- iv. Pegawai perlu/ pernah **menduduki *MedEx***; *atau*
- v. Pegawai perlu **menduduki Peperiksaan *Basic Public Health Medicine Test*** (College of Public Health Medicine, Academy of Medicine Malaysia), dengan keputusan masih sah dalam tempoh tiga (3) tahun sebelum tahun tawaran kemasukan ke Universiti. Sekiranya calon memilih untuk menduduki kedua-dua peperiksaan, maka markah tertinggi akan dijadikan asas pemilihan.

Syarat Khas Sarjana Perubatan Oftalmologi

- i. Pegawai perlu **LULUS *Basic Science Examination (Ophthalmology)*** pada 2018 dan 2019, adalah sah untuk tempoh tiga (3) tahun (layak untuk permohonan bagi tahun 2022/2023); **ATAU**
- ii. Pegawai perlu **LULUS *Basic Science Examination (Ophthalmology)*** pada 2020, adalah sah untuk tempoh lima (5) tahun; **ATAU**
- iii. Pegawai perlu **LULUS *MedEx (Oftalmologi)*** bermula 2022, adalah sah untuk tempoh 5 tahun.
- iv. Bagi Pegawai yang telah mendaftar *MedEx (Oftalmologi)* April 2022, hanya Pegawai yang **LULUS** sahaja akan dipanggil untuk temu duga.

Syarat Tambahan Sarjana Perubatan Ortopedik

- i. Pegawai perlu mempunyai sekurang kurangnya **enam (6) bulan pengalaman dalam bidang ortopedik** sebagai Pegawai Perubatan; dan
- ii. Pemilihan muktamad adalah pegawai yang telah berjaya dalam ***MedEx*** dan perlu **menduduki penilaian OSCE** yang dikendalikan oleh Jawatankuasa *Selection of Postgraduate Orthopaedic Trainee (SPORT)* di bawah *Orthopaedic Specialty Committee (OSC)*.

Syarat Khas Sarjana Perubatan Patologi

- i. Pegawai perlu menduduki ***MedEx*** dalam bidang patologi.

Syarat Khas Sarjana Perubatan Radiologi

- i. Pegawai perlu **LULUS** *Entrance Examination Masters of Radiology* dan temu duga yang dikendalikan oleh *Conjoint Board Radiology*.

Syarat Khas Sarjana Perubatan Surgeri Am

- i. Berumur **tidak melebihi 38 tahun** pada tarikh tutup permohonan;
- ii. Pegawai pernah **menduduki MedEx** dalam bidang Surgeri dengan keputusan masih sah iaitu dalam tempoh tiga (3) tahun (sebelum tahun tawaran kemasukan ke Universiti); dan
- iii. Pegawai yang **belum menduduki MedEx** masih **layak memohon** tawaran ini dengan syarat telah mendaftar untuk **menduduki MedEx pada April 2022**.

Syarat Khas Sarjana Perubatan Kecemasan

- i. Pegawai perlu menduduki *MedEx*, **TETAPI SYARAT LULUS BUKAN SYARAT WAJIB** kemasukan; dan
- ii. Pegawai perlu mempunyai sekurang-kurangnya **12 bulan** pengalaman dalam **bidang perubatan kecemasan** sebagai Pegawai Perubatan.

KAEDAH PENGAJIAN

1. Kaedah pengajian adalah seperti berikut:

1.1 Sistem Bersepadu

Menjalani latihan klinikal melalui konsep pusingan penempatan (rotational attachment) sepanjang tempoh pengajian selama empat (4) tahun di Fasiliti KKM dan Universiti Awam (UA) dengan kemudahan Cuti Belajar Bergaji Penuh (CBBP) dengan Hadiah Latihan Persekutuan (HLP) bagi Pegawai Lantikan Tetap **atau** Pelepasan Khas bagi mengikuti Program Latihan Kepakaran dengan penajaan bagi Pegawai Lantikan Kontrak.

BIDANG PENGAJIAN

1. Bidang yang ditawarkan adalah seperti berikut (tertakluk kepada perubahan):
 - 01 - Sarjana Perubatan Obstetrik & Ginekologi
 - 02 - Anestesiologi

- 03 - Pediatrik
- 04 - Perubatan Dalaman
- 05 - Psikiatri
- 06 - Radiologi
- 07 - Surgeri Am
- 08 - Oftalmologi
- 09 - Ortopedik
- 10 – Otorinolaringologi
- 11 - Patologi
- 12 - Perubatan Keluarga
- 13 - Sarjana Perubatan MPH/DrPH Kesihatan Awam/ Masyarakat
- 14 - Perubatan Sukan
- 15 - Perubatan Pemulihan
- 16 - Perubatan Kecemasan
- 17 - Neurosurgeri
- 18 - Plastik Surgeri
- 19 - Klinikal Onkologi
- 20 - Pembedahan Kanak-kanak
- 21 - Perubatan Transfusi
- 22 - Perubatan Nuklear
- 23 - Forensik

TAWARAN PROGRAM SARJANA PERUBATAN

1. Tawaran program Sarjana Perubatan dengan HLP atau penajaan KKM adalah tertakluk kepada syarat-syarat berikut:
 - 1.1 Hanya Pegawai yang **layak tapisan KKM** akan dipertimbangkan untuk mengikuti Program Sarjana Perubatan. **Pegawai yang tidak memohon atau melepasi tapisan KKM** walaupun telah ditawarkan tempat pengajian di Universiti Awam **tidak akan dipertimbangkan** untuk sebarang **kemudahan penajaan di bawah KKM**;
 - 1.2 KKM berhak menentukan penempatan latihan bagi pegawai yang mengikuti latihan secara Sistem Bersepadu di mana-mana hospital KKM yang diiktiraf oleh Universiti Awam sebelum pengajian sepenuh masa di universiti;
 - 1.3 Surat tawaran hanya dikeluarkan kepada pegawai yang berjaya sahaja oleh BPL, KKM melalui Ketua Jabatan masing-masing (Pengarah Kesihatan Negeri/ Hospital/ Institusi/ Bahagian). **Tawaran yang dikeluarkan oleh BPL sahaja dianggap sah untuk mengikuti program Sarjana Perubatan ini**;
 - 1.4 Pegawai yang menolak tawaran ini akan **dikenakan penalti dua (2) tahun** iaitu tidak boleh memohon kemasukan bagi Program Sarjana Perubatan dalam tempoh berkenaan;

- 1.5 Tempoh masa yang dibenarkan untuk pegawai menarik diri dari pengajian dan dikecualikan dari penalti adalah selama **(1) satu bulan** sahaja selepas memulakan pengajian. **Walau bagaimanapun, sekiranya pegawai telah menerima segala elaun/ kemudahan seperti elaun perpindahan atau tuntutan kargo, pegawai hendaklah membayar semula semua jumlah yang telah diterima; dan**
- 1.6 Pegawai tidak dibenarkan untuk menarik diri setelah menandatangani kontrak perjanjian. Pegawai adalah tertakluk kepada Kontrak Perjanjian yang berkuatkuasa dan akan **dikenakan penalti/ ganti rugi sejumlah RM350,000.00 sekiranya gagal dalam tempoh pengajian atau melanggar mana-mana syarat perjanjian penajaan PLK.**

CARA UNTUK MEMOHON

1. Permohonan hendaklah dibuat kepada BPL secara dalam talian (online) menerusi sistem Sistem Permohonan eHLP KKM (<http://ehlp.moh.gov.my>).
2. Dokumen-dokumen berikut hendaklah dibawa bersama semasa sesi temuduga yang telah ditetapkan oleh pihak Universiti **(bagi pegawai yang telah berjaya melepasi tapisan pertama)**:
 - 2.1 Satu (1) salinan Borang KKM/HLP-SARJANA PERUBATAN/DALAM NEGARA (borang permohonan *online*) yang telah dilengkapi dengan segala maklumat diri dan perkhidmatan telah disahkan oleh Ketua Jabatan (Pengarah Kesihatan Negeri/ Hospital/ Institusi/ Bahagian sahaja);
 - 2.2 Laporan Penyokong 1 dan Laporan Penyokong 2;
 - 2.3 Satu (1) salinan **Kenyataan Perkhidmatan** yang telah dikemaskini dan disahkan;
 - 2.4 Satu (1) salinan **Surat Pengesahan Jawatan** daripada Suruhanjaya Perkhidmatan Awam (SPA) **(Pegawai Lantikan Tetap Sahaja)**;
 - 2.5 Satu (1) salinan **Surat Lantikan Kontrak** terkini daripada KKM **(Pegawai Lantikan Kontrak Sahaja)**;
 - 2.6 Satu (1) salinan **Sijil Pendaftaran Penuh** dengan Majlis Perubatan Malaysia (MPM); **dan**
 - 2.7 Dokumen sokongan yang lain (contoh : Salinan Kad Pengenalan, sijil SPM, sijil-sijil dan transkrip).

PERINGATAN PENTING KEPADA SEMUA PEGAWAI

1. Permohonan Tawaran B bagi Sesi Akademik Tahun 2022/2023 adalah secara dalam talian sepenuhnya menerusi Sistem Permohonan eHLP KKM (<http://ehlp.moh.gov.my>). Permohonan dibuka mulai **28 Januari 2022** hingga **10 Mac 2022**.
2. Pemohon dinasihatkan untuk **merujuk kepada Unit Sumber Manusia** terlebih dahulu sebelum membuat pengisian maklumat perkhidmatan seperti lantikan, LNPT dan Cuti Tanpa Gaji/ Cuti Separuh Gaji kerana jika **pengisian tidak tepat menyebabkan permohonan [TIDAK BERJAYA]**. Pegawai boleh merujuk Lampiran I sebagai rujukan Unit Sumber Manusia yang menjaga Buku Rekod Perkhidmatan. (Sila hubungi pihak urus setia jika Unit Sumber Manusia tiada dalam sistem eHLP)
3. Permohonan akan melalui Unit Sumber Manusia bagi tujuan pengesahan maklumat sebelum dipanjangkan kepada Ketua Jabatan.
4. Sekiranya kesemua maklumat telah diperakui oleh Unit Sumber Manusia, notifikasi permohonan akan dihantar melalui emel kepada Ketua Jabatan. Pemohon boleh menyemak status penghantaran permohonan secara berkala bagi mengetahui status semasa permohonan anda.
5. Permohonan yang **tidak diambil tindakan pengesahan dan tidak dihantar selepas tarikh tutup pengesahan akan dikemaskini secara automatik kepada [TIDAK BERJAYA]** dan catatan keputusan dipaparkan kepada pemohon **sebagai 'Tiada tindakan pengesahan maklumat oleh Unit Sumber Manusia'**.
6. Sila pastikan emel Ketua Jabatan adalah betul kerana emel ini akan digunakan untuk penghantaran pautan sokongan.
7. Pemohon dinasihatkan untuk membuat follow up dengan Ketua Jabatan sekiranya permohonan belum diambil tindakan sokongan.
8. Permohonan yang **tidak diambil tindakan sokongan dan tidak dihantar selepas tarikh tutup sokongan akan dikemaskini secara automatik kepada [TIDAK BERJAYA]** dan catatan keputusan dipaparkan kepada pemohon sebagai **'Tiada tindakan sokongan permohonan oleh Ketua Jabatan'**.
9. Tarikh-tarikh penting adalah seperti berikut (tertakluk kepada pindaan):

BIL.	PERKARA	TARIKH
i.	Tempoh permohonan dibuka di laman sesawang Sistem Permohonan eHLP KKM (http://ehlp.moh.gov.my)	28 Januari 2022 hingga 10 Mac 2022
ii.	Semakan untuk layak temu duga di laman sesawang Sistem Permohonan eHLP KKM (http://ehlp.moh.gov.my)	April – Mei 2022
iii.	Urusan temu duga	Mei – Jun 2022
iv.	Semakan keputusan tawaran di laman sesawang Sistem Permohonan eHLP KKM (http://ehlp.moh.gov.my)	Julai – Ogos 2022

TANGGUNGJAWAB KETUA JABATAN / PENYELIA

1. Ketua Jabatan/ Penyelia adalah dinasihatkan supaya membuat semakan yang teliti dan memberi **sepenuh perhatian kepada syarat-syarat yang ditetapkan**. Adalah menjadi tanggungjawab Ketua Jabatan/ Penyelia **untuk memperakukan pegawai yang benar-benar sesuai, berkeelayakan serta memenuhi syarat-syarat yang ditetapkan**.
2. Ketua Jabatan/ Penyelia adalah diminta untuk membuat perancangan yang teliti dan hanya memperakukan pegawai yang boleh dilepaskan pada tahun 2022/2023 kelak. Sekiranya kesemua pegawai yang diperakukan oleh Jabatan berjaya ditawarkan mengikuti Program Kepakaran ini, Ketua Jabatan berkenaan adalah dikehendaki memberi pelepasan kepada mereka untuk menjalani pengajian.
3. Bahagian Pengurusan Latihan, KKM berhak membatalkan permohonan yang didapati tidak mematuhi syarat-syarat dan peraturan-peraturan yang telah ditetapkan.

SEBARANG PERTANYAAN BERHUBUNG PERMOHONAN TAWARAN B UNTUK MENGIKUTI PROGRAM LATIHAN KEPAKARAN SECARA SEPENUH MASA,

SILA HUBUNGI:

Urus setia Tawaran B, Program Kepakaran 1,
Bahagian Pengurusan Latihan
Kementerian Kesihatan Malaysia
Telefon: 03-8885 0694
emel: ehlp@moh.gov.my

JENIS-JENIS PENYAKIT KRONIK

- a. Kanser;
- b. Serangan jantung;
- c. *Pulmonary Hypertension*;
- d. Penyakit buah pinggang yang kronik;
- e. Penyakit hati (*liver*) yang kronik;
- f. Hepatitis;
- g. Kecederaan di kepala disebabkan kemalangan;
- h. Tumor dan kecacatan pembuluh darah di otak;
- i. Melepuh dan melecur kerana kebakaran;
- j. Pemindahan organ utama;
- k. Penyakit Parkinson;
- l. Penyakit HIV atau AIDS atau kedua-duanya;
- m. Pemindahan kaki dan tangan;
- n. Skizofrenia;
- o. Kecederaan atau kecacatan fizikal yang dialami semasa menjalani latihan atau kursus yang disahkan oleh Pakar Perubatan Kerajaan dan Pakar Perubatan yang diperakukan oleh penaja sebagai tidak sihat untuk meneruskan pengajian; dan
- p. Lain-lain penyakit yang disahkan sebagai penyakit kronik dan tidak sihat untuk meneruskan pengajian oleh Pakar Perubatan Kerajaan dan Pakar Perubatan yang diperakukan oleh penaja.